

2018 წლის 21 დეკემბერი

მისი აღმატებულება ბატონი დავით ზალკალიანი
საგარეო საქმეთა მინისტრი
შიო ჩიტაძის 4, თბილისი 0118
საქართველო

თქვენო აღმატებულება,

მაქვს პატივი, გაერთიანებული ერების ორგანიზაციის სახელით, ვახსენო საქართველოში საპროექტო მომსახურების გაეროს ოფისის (UNOPS) განთავსების შესახებ შემოთავაზება. უნდა აღინიშნოს, რომ გენერალური ასამბლეის 48/501 გადაწყვეტილებით UNOPS დაარსდა გაეროს დამხმარე ორგანოდ, რათა უზრუნველყო *inter alia* მდგრადი პროექტირების, მიწოდებისა და ინფრასტრუქტურის მართვის მომსახურება გაეროს წევრი ქვეყნების სასარგებლოდ.

აგრეთვე მაქვს პატივი ვახსენო თბილისში, 1994 წლის 1 ივლისს დადებული საქართველოს რესპუბლიკასა და გაერთიანებული ერების განვითარების პროგრამას (UNDP) შორის დახმარების შესახებ ძირითადი სტანდარტული ხელშეკრულება (UNDP ძირითადი ხელშეკრულება), რომელიც ადგენს იმ საბაზისო პირობებს, რომელთა საფუძველზეც UNDP და მისი აღმასრულებელი სააგენტოები განვითარების ღონისძიებების განხორციელებაში დახმარებას უწევენ საქართველოს.

ზემოაღნიშნულთან დაკავშირებით, მაქვს პატივი შემოგთავაზოთ UNDP ძირითადი ხელშეკრულება გავრცელდეს *mutatis mutandis* საქართველოში UNOPS-ის ოფისის პერსონალთან, საქმიანობასთან, საკუთრებასთან და ანგარიშებთან მიმართებით.

გთავაზობთ, რომ ზემოაღნიშნულ შემოთავაზებაზე თქვენი წერილობითი თანხმობის მიღებით, წინამდებარე წერილების გაცვლით, საქართველოსა და გაეროს შორის დაიდოს შეთანხმება UNDP ძირითადი ხელშეკრულების UNOPS-ზე გავრცელების შესახებ, თქვენი პასუხის თარიღით, და ძალაში შედის გაეროს მიერ იმ შეტყობინების მიღების დღიდან, რომლითაც საქართველო იუწყება, რომ დაასრულა შეთანხმების ძალაში შესვლისათვის აუცილებელი შიდასახელმწიფოებრივი პროცედურები.

ვსარგებლობ შემთხვევით, რათა გამოვხატო ჩემი ღრმა პატივისცემა თქვენი აღმატებულობის მიმართ.

გრეთე ფარემო
გაერთიანებული ერების ორგანიზაციის გენერალური მდივნის მოადგილე
და UNOPS-ის აღმასრულებელი დირექტორი



[საქართველოს საგარეო საქმეთა მინისტრი]

თბილისი
2019 წლის 31 იანვარი

მაქვს პატივი დავადასტურო თქვენი 2018 წლის 21 დეკემბრის წერილის მიღება, რომელიც შემდეგნაირად იკითხება:

„მაქვს პატივი ვახსენო საქართველოში საპროექტო მომსახურების გაეროს ოფისის (UNOPS) განთავსების შესახებ შემოთავაზება. უნდა აღინიშნოს, რომ გენერალური ასამბლეის 48/501 გადაწყვეტილებით UNOPS დაარსდა გაეროს დამხმარე ორგანოდ, რათა უზრუნველყოს *inter alia* მდგრადი პროექტების, მიწოდებისა და ინფრასტრუქტურის მართვის მომსახურება გაეროს წევრი ქვეყნების სასარგებლოდ.

აგრეთვე მაქვს პატივი ვახსენო თბილისში, 1994 წლის 1 ივლისს დადებული საქართველოს რესპუბლიკასა და გაერთიანებული ერების განვითარების პროგრამას (UNDP) შორის დახმარების შესახებ ძირითადი სტანდარტული ხელშეკრულება (UNDP ძირითადი ხელშეკრულება), რომელიც ადგენს იმ საბაზისო პირობებს, რომელთა საფუძველზეც UNDP და მისი აღმასრულებელი სააგენტოები განვითარების ღონისძიებების განხორციელებაში დახმარებას უწევენ საქართველოს.

ზემოაღნიშნულთან დაკავშირებით, მაქვს პატივი შემოგთავაზოთ UNDP ძირითადი ხელშეკრულება გავრცელდეს *mutatis mutandis* საქართველოში UNOPS-ის ოფისის პერსონალთან, საქმიანობასთან, საკუთრებასთან და ანგარიშებთან მიმართებით.

გთავაზობთ, რომ ზემოაღნიშნულ შემოთავაზებაზე თქვენი წერილობითი თანხმობის მიღებით, წინამდებარე წერილების გაცვლით, საქართველოსა და გაეროს შორის დაიდოს შეთანხმება UNDP ძირითადი ხელშეკრულების UNOPS-ზე გავრცელების შესახებ, თქვენი პასუხის თარიღით, და ძალაში შედის გაეროს მიერ იმ შეტყობინების მიღების დღიდან, რომლითაც საქართველო იუწყება, რომ დაასრულა შეთანხმების ძალაში შესვლისათვის აუცილებელი შიდასახელმწიფოებრივი პროცედურები.“

მაქვს პატივი დაგიდასტუროთ, რომ ზემოაღნიშნული შემოთავაზებები საქართველოსთვის მისაღებია. აგრეთვე მაქვს პატივი დაგიდასტუროთ, რომ თქვენი წერილითა და წინამდებარე საპასუხო წერილით იდება UNDP ძირითადი ხელშეკრულების UNOPS-ზე გავრცელების შესახებ საქართველოსა და გაეროს შორის შეთანხმება, წინამდებარე ნოტის თარიღით, და ძალაში შედის გაეროს მიერ იმ შეტყობინების მიღების დღიდან, რომლითაც საქართველო იუწყება, რომ დაასრულა შეთანხმების ძალაში შესვლისათვის აუცილებელი შიდასახელმწიფოებრივი პროცედურები.

ვსარგებლობ შემთხვევით, რათა გამოვხატო ჩემი ღრმა პატივისცემა თქვენი აღმატებულობის მიმართ.

დავით ზალკალიანი

მისი აღმატებულება ქალბატონი გრეტე ფარემო
გენერალური მდივნის მოადგილე და UNOPS-ის აღმასრულებელი დირექტორი
კოპენჰაგენი, დანიის სამეფო

01/3909



